

Savjetodavni odbor građana – pristup, formiranje i vremenski okvir

Kontekst

Projekat pomoći lokalnoj upravi (u daljem tekstu Projekat), koji finansira Američka agencija za međunarodni razvoj (USAID), radi na povećanju učinkovitosti odabranih jedinica lokalne samouprave (u daljem tekstu JLS) u Bosni i Hercegovini (BiH) kako bi bolje planirale, upravljale i poboljšale kvalitetu pružanja javnih usluga; podstakle održivi lokalni razvoj i povećale transparentnost i odgovornost prema građanima i poslovnim subjektima.

Iako su važećim zakonom propisani direktni mehanizmi za učešće građana u procesima odlučivanja u JLS, očigledno je da se angažmanu građana ne pristupa sistematski; u praksi se to dešava po potrebi i zasniva se na pojedinačnim inicijativama vezanim za različite lokalitete.

Projekat će u prvoj godini podržati odabrane JLS da u saradnji sa mjesnim zajednicama (MZ) i lokalnim organizacijama civilnog društva (OCD) uspostave Savjetodavne odbore građana kako bi sistematski uključili građane, poslovne subjekte i druge lokalne aktere da se uključe u donošenje odluka u postupku javnog planiranja, pružanja usluga, izradi budžeta, upravljanju finansijama i praćenju rada JLS u provedbi ključnih oblasti koje doprinose većoj transparentnosti i odgovornosti JLS.

Projekat će pružati praktičnu tehničku pomoć, izgradnju kapaciteta i obuku, između ostalog i podršku u izradi komunikacijskih strategija i digitalnih mehanizama praćenja kako bi osnažili Savjetodavne odbore građana da obavljaju svoju savjetodavno-nadzornu ulogu.

U skladu s navedenim, Projekat će u toku realizacije raditi sa odabranim JLS na oblikovanju koncepta Savjetodavnog odbora građana koji će biti prilagođen njihovim potrebama, ali i na izradi najpraktičnijeg mogućeg modela Savjetodavnog odbora građana u kontekstu postojećih prilika u BiH.

Svrha

Savjetodavni odbori građana treba da omoguće inkluzivan i sistematski način angažmana građana u lokalnoj upravi. Primarna svrha Savjetodavnog odbora građana je da poboljša kanale putem kojih bi se građani i zvanični predstavnici JLS konsultovali o pitanjima i odlukama koje pozitivno utječu na društveno i ekonomsko blagostanje zajednica.

Lokalno razvojno planiranje, pružanje usluga, upravljanje javnim finansijama i druge ključne oblasti rada lokalnih samouprava su primjeri oblasti u kojim bi učestvovao Savjetodavni odbor građana. Savjetodavni odbor građana je istovremeno i nadzorno tijelo koje je opremljeno različitim alatima i strategijama koje omogućavaju građanima da prate provedbu i efikasnost njihove lokalne uprave.

S obzirom da članove Savjetodavnog odbora građana čine predstavnici različitih lokalnih organizacija, uključujući marginalizirane grupe, oni povećavaju pristup lokalnoj zajednici i osiguravaju veću zastupljenost građana u inicijativama JLS, kao što su, između ostalog, ciljane konsultacije, javne rasprave, javni sastanci s građanima, javni skupovi, ankete, i sl.

Dok će broj članova Savjetodavnog odbora građana biti ograničen na otprilike 10 članova koji predstavljaju lokalne organizacije i građane, Savjetodavni odbor građana će, po potrebi, u toku svog rada, angažovati i predstavnike ostalih lokalnih organizacija kako bi se uključili u rasprave o specifičnim temama koje su predmet diskusije ili interesa. Upravo je cilj Savjetodavnog odbora građana da uključi širu populaciju kako bi na otvoren i inkluzivan način ostvarili svoj primarni cilj.

Cilj

Ovaj dokument opisuje koncept Savjetodavnog odbora građana, uključujući njegovu strukturu, sastav, proces izbora članova, postupke za formiranje i smjernice za rad, kao i relevantni vremenski okvir.

Opis ključnih funkcija

Mandat Savjetodavnog odbora građana može varirati u određenom obimu između jedinica lokalne samouprave zavisno od lokalnog konteksta, prioriteta i prisustva ostalih organa čije interese zastupaju. Pri tome, smatra se da će svi Savjetodavni odbori građana obavljati najmanje četiri funkcije kao što su:

- i. pružanje savjeta i podrške JLS u angažmanu građana u procesima lokalne uprave i identifikaciji novih prilika za učešće građana. U saradnji sa nadležnim predstavnicima JLS, Savjetodavni odbor građana će organizovati prilike za građane da na direktan ili indirektan način učestvuju u definisanju, planiranju i realizaciji potreba i prioriteta u oblastima koje se smatraju izuzetno značajnim za zajednicu, kao što su pružanje usluga, priprema budžeta, prostorno planiranje, prevencija korupcije, i sl.
- ii. učestvovanje u nadzoru i praćenju provedbe ključnih funkcija JLS (kao što su realizacija budžeta, provedba lokalnih strategija i akcionih planova, i sl.).
- iii. zagovaranje provedbe projekata i inicijativa koje su građani identificirali kao prioritetne. U sklopu Cilja 3, Projekat će podržati veliki broj različitih inicijativa lokalnih organizacija kako bi učestvovali u utvrđivanju potreba i prioriteta lokalne zajednice i razgovoru o istim sa lokalnim organima vlasti. Savjetodavni odbor građana će podržati napore organizacija civilnog društva i ostalih lokalnih partnera da povećaju budžetsku pismenost, problem zagovaranja i sl.
- iv. pružanje pomoći JLS da povećaju svijest i unaprijede načine informisanja građana o njihovom radu, kako bi osigurali da informacije budu usmjerene i dostupne svim građanima, uključujući žene, mlade i marginalizirane grupe.

Pored ovih ključnih oblasti djelovanja, Savjetodavni odbor građana, u toku trajanja Projekta, može poduzimati i ostale aktivnosti u dogovoru sa odabranim JLS. Mandat Savjetodavnog odbora građana će biti utvrđen opisom specifičnih aktivnosti, koji će biti izrađen u toku uspostavljanja Savjetodavnog odbora građana. Savjetodavni odbor građana i JLS će opis poslova prilagoditi specifičnim potrebama zajednice.

Savjetodavni odbor građana će pripremiti kvartalni izvještaj koji se odnosi na aktivnosti koje su realizirane u tom kvartalu, uključujući preporuke koje budu imali za gradonačelnika ili predstavnike Gradskog vijeća. Kvartalni izvještaj će biti javno objavljen i dostavljen široj javnosti kako bi se povećala svijest o radu Savjetodavnog odbora građana.

Članstvo u Savjetodavnom odboru građana

Članovi Savjetodavnog odbora građana treba da predstavljaju širu zajednicu, tako da sastav Savjetodavnog odbora građana odražava raznolikost svake JLS. Kandidati za članstvo u Savjetodavnom odboru građana mogu biti predstavnici (po jedan iz svake od dole navedenih organizacija/institucija):

- organizacije civilnog društva,
- javna preduzeća,
- javne institucije,
- privatni poslovni subjekti locirani u JLS,
- profesionalna udruženja (udruženje poslodavaca, privredne komore, i sl.),
- udruženja i fondacija koje u skladu sa svojim statutom provode aktivnosti usmjerene na žene, mlade i/ili marginalizovane kategorije,
- građani-aktivisti svih starosnih skupina.

I Relevantne odredbe zakona kojima se uređuje zaštita osobnih podataka kandidata i članova Savjetodavnog odbora građana primjenjivat će se na prikupljanje podataka, obradu podataka, upotrebu podataka, razmjenu podataka i pohranu podataka.

Savjetodavni odbor građana će se sastojati od 6 do 10 članova. Broj članova može varirati u zavisnosti od veličine jedinice lokalne samouprave i spremnosti pojedinaca i predstavnika nevladinih organizacija da učestvuju. Pri tome, u sastavu Savjetodavnog odbora građana potrebno je da bude uključeno 40% žena, sve starosne skupine, i marginalizirane grupe iz zajednice.

Kriteriji za učešće

Kriteriji za učešće za članstvo u Savjetodavnom odboru građana su:

- 18 ili više godina,
- nastanjen/a na području jedinice lokalne samouprave,
- neutralnost – da osoba nije državni službenik na bilo kojem nivou vlasti, niti je zaposlena u gradskoj/općinskoj upravi i da nije član organa političke stranke.

Kriteriji za izbor

Izbor će se bazirati na sljedećim kriterijima:

- motivacija za učešće,
- prethodno iskustvo u lokalnim inicijativama,
- čvrsta opredjeljenost da po potrebi izdvoji najmanje 10 sati mjesečno za volonterski rad tokom 12-mjesečnog mandata,
- želja da doprinese pozitivnim promjenama u zajednici,
- drugi relevantni kriteriji.

Formiranje Savjetodavnog odbora građana

U svakoj JLS, uz prethodnu saglasnost gradonačelnika/načelnika, Projektni tim će pružiti tehničku podršku u odabranim jedinicama lokalne samouprave pri izradi nacrtu Odluke o formiranju Savjetodavnog odbora građana (u daljem tekstu "Odluka"). Sa ulaznim podacima koje će pripremiti Projekat, Odluka će, između ostalog, sadržati detaljan opis koncepta Savjetodavnog odbora građana, pravni osnov i svrhu formiranja, organizacionu strukturu sa brojem i profilom članova, te kriterije i procedure za izbor članova i formiranje ovog Odbora. Nakon pripreme i finalizacije Odluka se dostavlja gradonačelniku/načelniku na potpis.

Poziv za dostavu prijave

JLS će putem Javnog poziva uputiti poziv lokalnim organizacijama i građanima da se prijave za članstvo u Savjetodavni odbor građana. Zainteresovani kandidati će imati 7 dana na raspolaganju da ispune Prijavni obrazac (u prilogu) i da ga dostave JLS sa biografijom, kratkim pismom u kojem izražava motiviranost da učestvuje u Savjetodavnom odboru građana i kopijom prijave o mjestu prebivališta (CIPS). Prijavni proces za lokalne organizacije i građane će se odvijati istovremeno.

Zainteresovane lokalne organizacije će predložiti kandidate koji će ispuniti polovinu raspoloživih mjesta u Savjetodavnom odboru građana, dok će preostalu polovinu raspoloživih mjesta ispuniti građani koji predstavljaju lokalnu zajednicu bez organizacione pripadnosti.

Javni poziv se objavljuje na web stranici JLS, društvenim mrežama i dalje se distribuira putem mjesnih zajednica, lokalnih medija, lokalnih organizacija civilnog društva i poslovnih subjekata i ostalih komunikacionih kanala. Projekat će podržati učešće u Savjetodavnom odboru građana tako što će se

obratiti različitim mrežama organizacija civilnog društva, uključujući one koje provode projekte koje finansira USAID u odabranim JLS, kako bi se informacija o pozivu distribuirala u najvećoj mogućoj mjeri.

Evaluacija i izbor

Zaposleni u JLS prvo će sortirati prijave kako bi osigurali da zadovoljavaju sve navedene kriterije za učešće. JLS će prikupiti i sumirati informacije iz prijavnih obrazaca, uključujući profil organizacije, ime, godište, spol, zaposlenje, obrazovanje, relevantno iskustvo kao i kratko motivaciono pismo.

#	Kriteriji za učešće	Načini provjere
1.	18 ili više godina	Kopija lične karte
2.	Prebivalište u JLS	Prijava o mjestu prebivališta (CIPS)
3.	Neutralnost	Izjava sadržana u prijavnim formularu

Služba za upravu privrede, lokalni razvoj, infrastrukturu i međunarodnu saradnju djeluje kao sekretarijat u procesu izbora. Komisija za izbor se sastoji od pet (5) osoba, od kojih su tri (3) predstavnici JLS, a dvije (2) osobe su predstavnici Projekta. Članovi Komisije ispred JLS su predstavnici službi koje se bave pružanjem usluga, ekonomskim razvojem i aktivnostima vezanim za nevladin sektor i/ili građane. Ispred Projekta u radu Komisije učestvuju zamjenica direktora i voditeljica za Cilj 3. Predstavnici Projekta će učestvovati u radu Komisije za izbor kandidata u prvom mandatu, dok je predviđeno da u narednim godinama članovi Savjetodavnog odbora građana učestvuju u izboru novih članova za tekuću godinu.

Članovi Komisije za izbor će ocjenjivati kandidate na osnovu sljedećih kriterija:

- motiviranost da postanu članovi Savjetodavnog odbora građana,
- prethodno iskustvo u inicijativama/projektima u lokalnoj zajednici,
- čvrsta opredjeljenost da po potrebi izdvoji najmanje 10 sati mjesečno za volonterski rad tokom 12-mjesečnog mandata,
- želja da doprinesu pozitivnim promjenama u zajednici,
- drugi relevantni kriteriji.

Prilikom ocjenjivanja, navedene kategorije se rangiraju od najniže (1) do srednje (3) i najviše (5). Konačno, Komisija za izbor će posvećenost kandidata ocjeniti njihovom spremnošću da izdvoje najmanje 10 sati mjesečno za rad u Savjetodavnom odboru građana.

Najbolji kandidati s najvišim ocjenama ulaze u uži izbor i biće pozvani na razgovor. Ukoliko bude prijavljeno četiri (4) ili manje kandidata, bez obzira da li predstavljaju organizacije ili građane, u tom slučaju svi kandidati će biti intervjuisani. Ukoliko se ustanovi da je raznovrsnost kandidata nedovoljna, u tom slučaju Komisija za izbor će, putem dodatnih kontakata, ohrabriti određene kandidate u zajednici da se prijave i na taj način osigurati disperziju u smislu starosti, spola, vještina i obrazovanja.

#	Kriteriji za izbor	Bodovanje	Maksimalno	Načini provjere
1.	Stepen motivacije	1-5	5	Motivacijsko pismo i prijava
2.	Iskustvo u inicijativama/projektima u lokalnoj zajednici	1-5	5	Prijava
3.	Sposobnost efikasne interakcije i mobilizacije članova lokalne zajednice	1-5	5	Prijava

I Relevantne odredbe zakona kojima se uređuje zaštita osobnih podataka kandidata i članova Savjetodavnog odbora građana primjenjivat će se na prikupljanje podataka, obradu podataka, upotrebu podataka, razmjenu podataka i pohranu podataka.

4.	Spremnost na	volonterski rad najmanje 10 sati mjesečno	1	5	Prijava
		volonterski rad najmanje 12 sati mjesečno	3		
		volonterski rad najmanje 15 sati mjesečno	5		
UKUPNO				20	

Kandidate koji budu ušli u uži izbor, Komisija za izbor će pozvati na intervju. Tokom intervjua, kandidate će pitati o njihovoj motivaciji za rad u Savjetodavnom odboru građana kako bi još jednom potvrdili njihovu opredjeljenost da svoje vrijeme volontiraju na mjesečnoj bazi u toku dvanestomjesečnog angažmana. U toku intervjua, Komisija za izbor će pokušati da utvrdi sposobnost kandidata da učinkovito komunicira i procijeni njihovu želju da na pozitivan način doprinesu razvoju njihove zajednice. Intervjui će također biti usmjereni na utvrđivanje specifičnih vještina koje kandidat može pružiti u radu Savjetodavnog odbora građana.

Služba za upravu privrede, lokalni razvoj, infrastrukturu i međunarodnu saradnju će pripremiti izvještaj o procesu selekcije sa listom kandidata predloženih za članstvo u Savjetodavnom odboru građana. Gradonačelnik/načelnik zatim donosi formalnu Odluku o imenovanju članova Savjetodavnog odbora građana. Nakon izbora, svaki izabrani član Savjetodavnog odbora građana potpisuje izjavu kojom izražava spremnost da učestvuje. Ova Odluka će biti objavljena javno, a u slučajevima u kojim je to moguće, može biti organizovan događaj kojim će se označiti početak rada Savjetodavnog odbora građana.

Vremenski okvir

Raspored ključnih aktivnosti	PLAN RADA											
	April				Maj				Juni			
	I	II	III	IV	I	II	III	IV	I	II	III	IV
Uspostava Savjetodavnog odbora građana												
Mehanizam Savjetodavnog odbora građana predstavljen odabranim JLS u toku radnog dijela ceremonije povodom pokretanja projekta												
Izrada prijedloga za formiranje Savjetodavnog odbora građana (koncept, prijavni obrazci, Odluka o formiranju, Javni poziv za podnošenje prijava za članstvo)												
Usaglašavanje teksta Odluke o formiranju i Javnog poziva za podnošenje prijava za članstvo u Savjetodavnom odboru građana sa odabranim JLS												
Donošenje Odluke o formiranju Savjetodavnog odbora građana od strane načelnika u odabranim JLS												
Objava javnog poziva za podnošenje prijava za članstvo u Savjetodavnom odboru građana u odabranim JLS												
Obrađene prijave, formirana Komisija za izbor, izvršen izbor članova Savjetodavnog odbora građana u odabranim JLS												
Odlukom načelnika/gradonačelnika imenovani članovi Savjetodavnog odbora građana												
Obavljen prvi ciklus edukacije članova Savjetodavnog odbora građana												

Obuka članova Savjetodavnog odbora građana

Nakon uspostavljanja Savjetodavnog odbora građana, Projekat će odabranim članovima održati obuku iz participativnih i zagovaračkih metoda, što će im pomoći u javnim raspravama, konsultacijama, javnim sastancima s građanima i drugim javnim skupovima.

Ove obuke će služiti i kao forum za diskusiju sa odabranim organizacijama civilnog društva, bolje vidove komunikacije između civilnog društva i lokalnih vlasti o pitanjima koja se tiču zajednice, pružanju usluga i lokalnog razvoja generalno.

Početni orijentacioni sastanci će biti organizovani kako bi se članovi Savjetodavnog odbora građana upoznali, između ostalog, sa načinom rada, kako najbolje zastupati sve grupe u zajednici, kako komunicirati s organima lokalne samouprave, kako najbolje izvršavati funkcije Savjetodavnog odbora građana navedene u ovom dokumentu i drugo.

Odmah nakon uspostavljanja Savjetodavnih odbora građana u junu 2023.g. Projekat će zajedno sa odabranim JLS organizovati tri poludnevna orijentaciona sastanka na kojim će prisustvovati po tri predstavnika iz svakog Savjetodavnog odbora građana i po tri predstavnika iz JLS koji se bave pružanjem usluga, ekonomskim razvojem i aktivnostima vezanim za nevladin sektor i/ili građane. Predloženi JLS u kojim će se realizovati ovi sastanci su Gradačac, Zenica i Teslić. Pri tome, Gradačac bi bio domaćin predstavnicima Tuzle i Lopara. Teslić bi bio domaćin predstavnicima Modriče i Šamca. A Zenica bi bila domaćin predstavnicima Zavidovića, Žepča, i Vareša. Više informacija o konceptu realizacije ovih sastanaka biće na raspolaganju nakon usaglašavanja svih detalja.

I. Orijentacija

Svaki član Savjetodavnog odbora građana će dobiti informativni paket sa:

- potvrdom o imenovanju potpisanom od strane gradonačelnika/načelnika,
- listu članova Savjetodavnog odbora,
- kontakt podatke odgovornih osoba u jedinici lokalne samouprave,
- informaciju o konceptu rada koja može obuhvatati pravila rada, plan rada, zakonske i podzakonske akte koji se odnose na rad lokalne samouprave.

Jedince lokalne samouprave mogu zahtijevati da svi Savjetodavni odbori građana postupaju u skladu s pravilnikom o radu. Usvajanje i primjena pravilnika o radu može rezultirati efikasnijim sastancima Savjetodavnog odbora građana.

II. Interna organizacija Savjetodavnog odbora građana

Članovi Savjetodavnog odbora građana se generalno imenuju na mandat od 12 mjeseci, nakon čega se objavljuje javni poziv za naredni mandat. Članovi Savjetodavnog odbora građana biraju predsjedavajućeg i zamjenika predsjedavajućeg na 12 mjeseci, a isti su zaduženi za vođenje sastanaka, utvrđivanja dnevnog reda i cjelokupni rad.

III. Uslovi vezani za prisustvo

Biti dio Savjetodavnog odbora građana traži značajnu ličnu predanost. Potvrдно glasanje većine imenovanih članova Savjetodavnog odbora građana predstavlja kvorum prisutnih na svakom sastanku. Odluke se donose većinskim glasom, nakon što svaki član dobije priliku da otvoreno izrazi svoje mišljenje.

IV. Otvoreni javni sastanci

Savjetodavni odbor građana će se redovno sastajati jednom mjesečno uz prisustvo predstavnika JLS i održavat će kvartalne forume u toku kalendarske godine. Svi sastanci bit će otvoreni za javnost uz obavijest članovima o održavanju istih najmanje 72 sata unaprijed.

V. Odredbe o obaveznom izvještavanju

Izneseni stavovi, preporuke ili zahtjevi Savjetodavnog odbora građana za bilo kakve radnje i/ili nalaze Savjetodavnog odbora građana će biti javno objavljeni.

VI. Naknada za članove Savjetodavnog odbora građana

Članstvo u Savjetodavnom odboru građana je zasnovano isključivo na volonterskom radu i članovi Savjetodavnog odbora građana neće primati naknadu za rad u Odboru. Operativne troškove (kao što su kancelarijski pribor, osvježenje i sl.) može snositi JLS ukoliko je prethodno dogovoreno.

8. Obrazovanje: _____

9. Poslodavac: _____

10. Navedite trenutne radne ili profesionalne aktivnosti predloženog/e kandidata/kinje:

11. Navedite profesionalne ili društvene aktivnosti predloženog/e kandidata/kinje u zajednici zbog kojih smatrate da bi bilo korisno da predloženi kandidat bude član Savjetodavnog odbora građana.

12. Koje su to vještine i vrijednosti predloženog/e kandidata/kinje koje bi mogle doprinjeti radu Savjetodavnog odbora građana?

13. Koliko vremena bi predloženi/a kandidat/kinja mogao/la uložiti u volonterski rad u Savjetodavnom odboru građana?

_____ 10 sata mjesečno

_____ 12 sati mjesečno

_____ 15 sati mjesečno

14. Navedite inicijative relevantne za lokalnu zajednicu koje je predloženi/a kandidat/kinja pokrenuo/la i/ili u kojim je učestvovao/la u protekle tri (3) godine.

15. Ostale informacije o predloženom/oj kandidatu/kinji koje biste izdvojili, a koje se se odnose na sposobnosti predloženog/e kandidata/kinje da ostvari uspješnu interakciju sa lokalnim akterima kao i potencijal predloženog/e kandidata/nje da mobilizira članove lokalne zajednice?

Potpis ovlaštene osobe

Datum

Hvala na iskazanom interesu i prijavi za članstvo u Savjetodavni odbor građana.

Svi lični podaci navedeni u ovoj prijavi su povjerljivi i neće se objavljivati.

O2 PRIJAVNI OBRAZAC ZA POJEDINCE

GRAD ZAVIDOVIĆI
Mehmed paše Sokolovića
PRIJAVA ZA ČLANSTVO U SAVJETODAVNOM ODBORU GRAĐANA
Za pojedince

1. Ime i prezime: _____

2. Adresa stanovanja: _____

3. Datum rođenja: _____

4. Spol/rod: Ž _____ M _____

5. Tel: Kućni: _____ Mobilni: _____

 Poslovni: _____ E-mail: _____

6. Prebivalište u JLS: Da _____ Ne _____

 Broj godina prebivališta u JLS: _____

7. Da li ste trenutno, ili ste ranije bili član neke političke partije? Da _____ Ne _____

Ako je Vaš odgovor da, opišite vrstu pripadnosti i relevantne političke aktivnosti.

8. Obrazovanje: _____

9. Zaposlen(a): Da _____ Ne _____

10. Navedite trenutne radne ili profesionalnih aktivnosti ili aktivnosti vezane za ostvarivanje
dohodka/životne prihode/kućnu njegu.

11. Navedite Vaše profesionalne ili društvene aktivnosti u zajednici zbog kojih mislite da bi bilo korisno da budete član Savjetodavnog odbora građana.

12. Koje vještine i vrijednosti biste izdvojili, a za koje smatrate da bi doprinjele kvalitetnom radu Savjetodavnog odbora građana?

13. Koliko vremena bi ste mogli posvetiti dobrovoljnom radu u svojstvu člana/ice Savjetodavnog odbora građana?

_____ 10 sata mjesečno
_____ 12 sati mjesečno
_____ 15 sati mjesečno

14. Navedite inicijative relevantne za lokalnu zajednicu koje ste pokrenuli i/ili u kojim ste učestvovali u protekle tri (3) godine.

15. Ostale informacije koje biste izdvojili, a koje se odnose na Vaše sposobnosti da ostvarite uspješnu interakciju sa lokalnim akterima kao i Vaš potencijal da mobilizirate članove lokalne zajednice?

Potpis

Datum

Hvala na iskazanom interesu i prijavi za članstvo u Savjetodavni odbor građana. Svi lični podaci navedeni u ovoj prijavi su povjerljivi i neće se objavljivati.

I Relevantne odredbe zakona kojima se uređuje zaštita osobnih podataka kandidata i članova Savjetodavnog odbora građana primjenjivat će se na prikupljanje podataka, obradu podataka, upotrebu podataka, razmjenu podataka i pohranu podataka.